

中國方志叢書·華北地方·第五〇三號


據

清·王楷等修，張萬銓等纂
清乾隆二十一年刊本

影印

河北省

祁州志



成文出版社有限公司印行

50/1575



10107325

中國方志叢書·華北地方·第五〇三號

據

清·王楷等修，張萬銓等纂
乾隆二十一年刊本

影印

河北省

祁州志



成文出版社有限公司印行



10107326

中華民國六十五年 月壹一版

祁州志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

祁州志序

署祁州牧羅子署祁一年以其暇率
州紳士重修州志不六旬而告成賚
其書以請敘於余蓋距前志之修已
閱百二十餘年矣羅子之成是書義
例頗不乖盭顧其心若有不慊然者

則以原志簡陋而新書但采州孝廉
刁顓祖草志爲多未能廣搜博考與
名人潤色使原原本本炳炳琅琅確
然成一佳構第念祁地瘠民貧適逢
其會可以不擾民而集事則與其思
佳構而勢必難成無寧因陋就簡且

使百二十餘年之文獻略得編纂不
至遲久而失傳亦良吏之用心也夫
一書之成亦極難耳司馬遷千古史
才史記一書後世寶爲拱璧而鄭夾
漈誚其以三千年之史籍跼蹐於八
九種書爲不博劉知幾復譏其多聚

舊記時插雜言爲不雅馴而鄭劉兩
先生之論要非不根又何怪羅子之
以是爲耿耿乎然余則謂守土者之
修志非徒務其文之工亦在觀感而
旣其實焉耳羅子署祁一年餘祁民
甚安之余嘗對僚屬稱之曰循士君

子束髮讀書驟膺民社初質未漓恫
庶民隱差不滅裂久之精神衰於末
路惻怛薄於常刑兼不無身家妻子
縈其心世故調停喪其志遂前后判
若兩人者有之今羅子志成而去祁
卽奉

制憲 題署饒陽令考地圖饒與祁幅

員俱不滿百里然以冉求政事之科
於如五六十方六十七三年爲之僅
自信爲可以足民治理之難如此羅
子其無狹小是邑無精神衰於末路
無惻怛薄於常刑其亦唯是安善除

暴之法禮士愛民之典日夕孜孜講
求不懈居是邦必百姓真戴之如父
母歿世則俎豆於瞽宗後有職志事
者邑士大夫與父老涕泣曰某令豈
非賢邑宰乎是宜書此則羅子旣實
之事也若於文苟能義例不乖盤亦

足矣其無以馬遷所猶病者爲耿耿
也羅子以余言爲良規遂請書之以
弁祁志之簡端

賜進士出身翰林院編修知保定府知

府事蘇門王楷



新修祁州志序

周小史氏掌邦國之志古列國莫
不有史後之省郡州縣為志即史
之遺也祁州密邇王畿被聲教
者最近人物風俗甚善先時州轄
深澤束鹿二邑舊志合二邑為書

余署州之二年念前志已距今百
數十載今州已不轄二邑思欲網
羅此百數十載事蹟續成舊書單
為初志適蒙 天庥舊秋初既有
年今歲復二麥大熟士民樂業獄
訟衰息州牧無事因進士大夫相

商權遴纂輯者議捐梓者各鼓舞
歡欣六旬而書成矣夫志與史寔
相為表裏州邑各有信志合之而
天下有信史願作史難而志亦有
未易易者夫州邑纂爾一隅於天
下不過一稊之著面其事無多而

秉筆者亦非必需具史才如司馬
班范其人然彈丸百里親戚聚處
瞻徇私情子孫類思表揚其祖宗
勢家或欲虛美其先世乃是非之
公不可泯沒生長同里耳目最真
一核其寔或相枝梧謗怨沸騰醜

言文作甚至牒訴倥傯變亂黑白
此大江以南雖文獻之區往往不
免而初顧恬然僅閱月而成書人
無異辭官省調劑其不誣不穢可
知矣亦即可於此徵是州風之淳
與俗之厚也然初地最瘠濱初州

邑率以中歲當初豐歲百姓男耕
女織無游手豈瘠土之民勞勞則
思善真如敬姜所論耶碩余又憂
之孟子曰富歲子弟多賴凶歲子
弟多暴民窮則為非今初地瘠民
貧天行之豐歉不可知一遭水旱